



Politikkikkut toqqammaviusumik isumaqatigiissut
Inuit Ataqtigiit, Atassullu Kommune Qeqertalimmi Kommunalbestyrelsemi
suleqatigiinnissamik isumaqatigiissutaat 5. marts 2019

5. MARTS 2019

Politikkikkut toqqammaviumik isumaqatigiissut qinersiviup sinnerani atsiornikkut atuuttussanngortinneqarpoq.

Inuit Ataqtigiit, Atassut-illu Kommune Qeqertalimmi Kommunalbestyrelsemi 5. marts 2019 aallarnerfigalugu Kommune Qeqertalimmi qinersiviup sinnerani atuuttussamik suleqatigiinnissamut isumaqatigiissuteqarput.

Inuit Ataqtigiit Atassut-illu tungaviumik isumaqatigiissutigaaq maanna kommunimi aqutsinermi nutaaliorneq, pisariillisaaneq innuttaasunillu sullissinermi qaninnerulernissamik suliniutit inarneqarnissaat suleqatigiissutigissallugit.

Kommune Qeqertalik-mi aqutseriasaq nutaaliavoq pisariitsoq inooriaasitsinni, kulturitsinni, kinaassutsitsinni nunarsuarmioqataanermullu ilisariuminartoq pingaartitsisorlu. Angusaqarumalluni sulineq sullitat sulisullu piginnaasaannik mianerinnilluni ataqqeqatigiillunilu ammasumik ingerlanneqassasoq isumaqatigiissutigineqarpoq.

Ataatsimiititaliaq ukua ingerlaannassasut isumaqatigiissutigineqarpoq:

Ataatsimiititaliaq INUA 7-nik ilaasortalik.

Ataatsimiititaliaq INOQARFIK 5-nik ilaasortalik.

Ataatsimiititaliaq INUIT 5-nik ilaasortalik.

Ataatsimiititaliaq TIMI TARNILU 5-nik ilaasortalik.

Borgmester, 1 aamma 2 viceborgmesterit ingerlaannassapput.

Inuit Ataqtigiit Atassut-illu isumaqatigiissutigaaq suliat maanna piareersimasut minillugit suliat ingerlanneqartut qinersiviup sinnerani inaarsarneqassasut.

Inuit Ataqtigiit Atassutillu isumaqatigiissutigaaq innuttaasunik sullissinitsinni patajaassuseq, unneqqarisuseq minnerunngitsumillu tamat oqartussaaqataanerannik ingerlatsilluarnissaq tunngavigineqassasut.







Inuit Ataqtigiit Atassutillu isumaqatigiissutigaaq suliniutit anguniakkallu pingarneriukkut ukua siulliullugit piviusunngortinniarneqassasut.

1. Illoqarfinni tamani innuttaasunik sullissinerup pitsaanerpaamik ingerlanneqarnissaa siunertaralugu allaffissornermi ingerlatsiviit aningaasanik namminneq aqutaqarlutik aalajangiisinnaanerat nukittorsarneqassasoq, Inunnik Isumaginninnermi sullissiviit, Meeqqat Atuarfii, Meeqqeriviit il.il. (kontrakt styring)
2. Meeqqanik, inuusuttunik, utoqqarnik innarluutilinnillu sullissineq eqqarsaatigalugu Innuttaasunillu sullissineq pitsangorsarniarlugu isumaginninnikkut malunnaatilimmik nukittorsaasoq.
3. Kulturikkut naleqartitavut timersorneq, qimusserneq, nipilersorneq, erinarsorneq, isiginnaartitsineq, atuakkiorneq, filmiliorneq, inuiattullu nutaaliortuarnerput pingaartillugu ineriartortitsissuugut.
4. Utoqqarnut, innarluutilinnut, meeqqanullu siunnersuisoqtigiit pisariaqartitsineq naapertorlugu pilersinneqassasut ersarissumik taakkununga politikiliornissaq siunertaqaralugu.



5. Kommune inuussutissarsionermi suliffeqarfinnik namminersortunillu qanimut suleqateqarluni takornariaqarnermi inuutissarsiutinillu siuarsaalluni piareersarneqartut tungavigalugit suliffeqarfimmik pilersitsinissasoq isumaqatigiissutigaarput.
6. Kommunip pilersaarusionera sanaartugassat, inuussutissarsiutinillu ineriartortitsineq ataqatigiimmata Namminersorlutik Oqartussaniit sanartugassat pillugit oqartussaaffik annertunerusoq aningaasanillu malitseqartoq kommunimut pilertornerusumik nuunneqarnissaa sulissutigissuarput.
7. Takornariaqarnikkut inuussutissarsiutinillu eqaannerusumik siursaanissaq siunertaralugu Naalakkersuisut qanimut suleqatigalugit Kangaatsiami, Qeqertarsuarmi, Qasigianguanilu suluusalinnut mittarfiliassat siuartinniarneqarnissaat sulissutigineqassooq.
8. Nukissiuuteqarnermi erngup, anorrip nukissiuutillu allat atorlugit inerissaanissaq, inoqarfinnilu pilersitsivigineqarsinaasuni pinngortitap tunniussinnaasasa sutigut qanorlu ineriartuutaasinnaanerisa sulissutiginnissaat.

Inuit Ataqatigiit Atassut suleqatigiissutissatut isumaqatigiissut atsiorneqarpoq ulloq 5.marts 2019.

Inuit ataqatigiinni Kommunemi ilaasortat tunuliaqutsiisut:

 _____	 _____	 _____	 _____
Ane Hansen	Niels Kristensen	Peter Olsen	Hector L. Sørensen
 _____	_____	 _____	_____
Aqqa Samuelsen	Thomas Petersen	Kristian Jeremiassen	Hans Aronsen

Atassut tunuliaqutaralugu Kommunemi ilaasortaq taassumalu sinniissussaa tulleg isumaqatigiissummik tunuliaqutsiipput:

 _____	 _____
Naja Kristensen	Finn Rasmus Brandt